

乾隆戊申孟秋鐫

衛輝府志

本署藏板

衛輝府志序

衛輝府志五十五卷成上之 大中丞今總督湖廣

畢公業為序以冠其首論次篇目旁羅古今沿革星

野山川澤浸壤賦穀產之有徵於古者嚴矣脩矣竊

惟志之曠不修者且百餘祀舊志所載領縣六汲昨

城新鄉獲嘉淇輝而已其後益以延津濬滑為九未

幾省胙城入延津而為八今則封邱考城皆在屬內

通領縣十視前之幅員不啻倍焉不為徵文考獻勒

成一書何以脩職方之采擇資政術之修舉 昌不敏

忝守茲土奉檄纂修得借志館諸君子廣搜博采聿

衛輝府志 序

觀厥成俾覽者無掛漏失實之譏斯亦足耳其奚以

言雖然願有進焉衛之君子惠懋作新有斐不諼布

衣帛冠惠農通商衛之小民土物心臧聰聽彝訓純

其莠黍稷肇牽車服賈用孝養洗腆厥風最古頃者

兩河之間歲少不登衛屬罹災尤甚

聖天子軫念元元累沛

恩旨賑貸蠲免有加無已 昌於其時仰承

如天之深仁俯輯瘡痍之赤子幸告無罪快得登之祖席

同歸

恬司今卷首蔡紀

辰章儼然上追谷傲之遺下邁雲漢之什既而歲稔時和
士民樂業於是順時節申大府奏請建報恩寺以祝
皇釐白叟黃童靡弗感泣歌舞共拜

覆載生成之賜也是則衛之為郡其上關

聖心之宵旰者為特至而凡有守土長民之責者考鏡之
下宜何以正已率屬助宣

德化用無負

簡昇康乂之任以庶幾古君子之遺休與至於鋪張潤飾

揚華駟燕無當史家要刪之義則非所敢出云

衛輝府志

序

二

乾隆五十三年歲次戊申孟秋月衛輝府知府長白

德昌謹序

重修衛輝府志序

乾隆乙巳年春沅奉

天子命撫中州甫下車疇咨留區荒度河務莫或違息踰年歲豐人和庶績凝釐廼議興舉廢墜潤飾吏事屬衛輝府德太守以修志事請案舊籍三編自康熙間支離猥雜百有餘載編紀闕如方今

國家承平寰海艾寧風俗醇茂凡土田之
之有離合戶版之有蕃滋以逮人物名
之數謂宜網羅掌故博采輿論用備攷鏡
朗齋從余游俾勦斯役九閱月歲事集其甲乙都爲

衛輝府志

序

五十五卷首

聖製次輿圖次沿革次星土次古蹟次地理山川次封爵次建置次職官次田賦次戶口次風俗次食貨次祠祀次學校次選舉次人物次藝文次叙錄博覈整贍觀斐然焉衛古冀兗豫州地今爲河南大郡轄河北道領縣十當衝繁有虞氏之封父夏后氏之昆吾商之豕韋周之鄆鄘春秋之廩延蟲牢秦稱三川漢扼河內是其處也星象應壁室爲鼉壁爲螣蛇爲鈇鑽爲霹靂爲土功其山蒼山太行同盟沮洳共北大伾鮒鱓其川黃河泉源淇澳其澤酸竇宿胥白馬棘津

文石其浸烏巢白溝厥壞墳墟厥田中上錯其穀五
種厥賦均貨亦如之蓋書明大命論謂旣庶糴徵文
攷獻勒成一書進載翰軒辨章風謠其資益政術曷
云淺鮮故綜攬而叙之亦使後之守茲土者可以觀
感焉爾

乾隆五十三年歲次戊申孟秋月河南巡撫鎮洋畢
沅謹序

重修衛輝府志姓氏

總裁

欽命兵部尚書兼都察院右都御史廣慶總督巡撫河南兼省提督衛輝道張加級畢 沅

欽命翰林院編修提督河南全省學政加三級劉種之

鑒定

河南承宣布政使司布政使江 蘭

河南承宣布政使司布政使景 安

河南提刑按察使司按察使陳奉茲

署河南按察使分守糧儲鹽法道張朝緒

分守河北兵備道統轄彰衛懷三府兼管河道唐侍陸

衛輝府志 重修姓氏

纂修

衛 輝 府 知 府 德 昌

參訂

汲 縣 知 縣 倪 德 瑞

新 鄉 縣 知 縣 薛 祥

輝 縣 知 縣 裴 冠 一

獲 嘉 縣 知 縣 陳 國 瑞

署 淇 縣 知 縣 王 鎮

淇 縣 知 縣 倪 本 秀

延 津 縣 知 縣 龔 鶴 鳴

澹縣知縣吳學會

署澹縣知縣顧永之

署滑縣知縣陳堯官

封邱縣知縣陳所蘊

考城縣知縣陳士駿

監核

署臨漳縣知縣澹縣丞王復

收掌

署衛輝府儒學教授何溯沂

衛輝府儒學訓導胡式瑗

衛輝府志

重修姓氏

二

一百四三

較訂

署衛輝府儒學訓導蘇元善

分輯

汲縣儒學教諭張今泌

拔貢生王自申

舉人李猶龍

舉人曹用棻

廩生許文孫

督梓

署汲縣典史陸成

採訪

汲縣生員潘世烈

汲縣廩生王鑑

新鄉縣舉人郭煥

淇縣拔貢生關殿韶

淇縣副貢生馮德遲

延津縣生員趙檀

承辦

衛輝府禮房書辦楊璐

于國棟

衛輝府志

重修姓氏

三

五十八

范瀛

閻誠

衛輝府志目錄

聖製卷首

輿圖第一

卷一

沿革第二

卷二 表

卷三 考

星土第三

卷四 形勢附 祥異附

古蹟第四

衛輝府志

目錄

卷五

地理第五

卷六 山川

卷七 堤堰 溝渠 河防

卷八 城 里社 鄉莊附 市集附

封爵第六

卷九

建置第七

卷十 城池 公署 學宮 書院 學田附 倉庫

卷十一 祠宇 津梁 坊表 戍墩 驛站 兵防

卷二十四 貢生上

卷二十五 貢生下

卷二十六 進士 武舉 武勳 廕襲 封贈

人物第十六

卷二十七 聖蹟 賢哲 儒林 道學 忠節

卷二十八 名宦上

卷二十九 名宦下

卷三十 政績

卷三十一 名臣

卷三十二 文苑 武功 方伎 耆老

衛輝府志

目錄

三

二百六五

卷三十三 孝義一

卷三十四 孝義二

卷三十五 隱逸 流寓

卷三十六 列女上

卷三十七 列女下

藝文第十七

卷三十八 詔 制 表 疏

卷三十九 贊 物 錄 議 辨

卷四十 賦

卷四十一 歌 詩 謠 辭

卷四十二 書啟 跋 說 引 考

卷四十三 碑止

卷四十四 碑下

卷四十五 記一

卷四十六 記二

卷四十七 記三

卷四十八 記四

卷四十九 傳一

卷五十 傳二

卷五十一 神道碑 詠 祭文

浦輝府志 目錄

四

一百〇七

卷五十二 墓表 墓誌銘

序錄第十八

卷五十三 雜錄

卷末 舊序 姓氏 舊跋 雜說

衛輝府志卷首

聖製

世祖章皇帝訓飭士子以勸文
順治九年

朝廷建立學校，選取生員，免其丁糧，厚以廩膳，設學院，學道、學官以教之，各衙門官以禮相待，全要養成賢才，以供朝廷之用。諸生皆當上報國恩，下立人品。所有教條開列於後。

一生員之家，父母賢智者，子當受教；父母愚魯或有非爲者，子既讀書，明理當再三懇告，使父母不陷於危亡。

衛輝府志

卷首

聖製

一生員立志當學爲忠臣、清官、書史所載忠清事蹟，務須互相講究。凡利國愛民之事，更宜留心。

一生員居心忠厚，正直讀書，方有實用。出仕必作良吏。若心術邪刻，讀書必無成就。爲官必遭禍患，行害人之事者，往往自殺，其身常宜思省。

一生員不可干求官長，交結勢要，希圖進身。若良心善德，全上天知之，必加以福。

一生員當愛身忍性，凡有司官衙門，不可輕入。卽有切已之事，止許家人代告，不許干預他人詞訟。他人亦不許牽連生員作証。

一為學當尊敬先生若講說皆須誠心聽受如有未明從容再問毋妄行辨難為師長者亦當盡心教訓勿致怠惰

一軍民一切利病不許生員上書陳言如有一言建白以違制論黜革治罪

一生員不許糾黨多人立盟結社把持官府武斷鄉曲所作文字不許妄行刊刻違者聽提調官治罪

特恩蠲免河南租稅詔

順治十七年

自古帝王統御寰區綏安兆姓治效已臻則與天下共樂昇平化理未奏則先臣庶反身克責敬

衛輝府志

卷首

聖製

二

天勤民道不越此朕荷

皇天眷佑集承

祖宗宏緒夙夜兢兢力圖治安十有七年於茲乃民生尚未盡遂貪吏尚未盡改滇黔雖入版圖而伏莽未靖征調猶繁疾苦時告拯恤未周反復思維皆朕不德負

上天之簡畀愧

祖宗之寄托虛

皇太后教育之恩孤四海萬民之望每懷及此剛敢即安於順治十七年正月二十二二十二二十三

日祭

太廟

社稷抒忱引咎自今以後元旦令至壽節天下慶賀表章
皇太后前照舊恭進獻壽表章暫行停止特簡恩赦加惠元

元

一順治十六年以前直省拖欠錢糧差廉幹滿官前往
清察果係拖欠在民者俱與蠲免如係官吏侵欺者
不准援赦濫及

一派徵錢糧俱照萬歷年間則例其天啟崇禎年間加
增盡行蠲免通行已久如有貪官汙吏例外私派多
徵擾民者該督撫按官糾參重處

衛輝府志

卷首

聖製

三

至祖仁皇帝蠲免河南等省錢糧上諭 康熙二十四年

朕維自古帝王統一寰區懋宣德化必子惠黎元勤求
民瘼俾幹止寧成家給人足而後世躋雍熙治登上理
朕御極以來宵旰圖治未敢卽安念切民依思培邦本
雖編氓漸得遂生而閭閻正資惠養欲使羣生樂利比
戶豐盈惟頻行減賦蠲租庶萬姓得沾實惠前此用兵
以來河南湖北兩省民人轉輸供億勞費繁多特沛仁
恩以昭軫恤所有康熙二十五年應徵地丁各項錢糧
着與蠲免一半其康熙二十四年未完地丁錢糧亦着
盡與豁免又直隸獻縣河間縣河間衛江南宿遷縣興

化縣邳州鹽城縣高郵州山東剡城縣魚臺縣地方
年重罹水災小民艱苦亦應加恩軫恤所有康熙二十
四年下半年二十五年上半年地丁各項錢糧俱與豁
免爾部速此該地方官速行曉諭務使人人均被恩膏
以副朕愛育蒼生至意如有不肖有司官役借端朦混
及私行重徵者該督撫指名題參從重治罪如該督撫
徇隱不行糾舉或經叅奏或被告發定行一併從重治
罪爾部卽遵諭行特諭

特恩蠲免河南等省錢糧諭 康熙三十年

朕孜孜圖治軫切民依閭閻耕穫時勤諮訪其有以荒
蕪輝府志 卷首 聖製 四

歉上聞者或蠲或賑旋卽施行務令得所念河南一省
連歲秋成未獲豐稔非沛特恩蠲恤恐致生計艱難康
熙三十一年錢糧着通行蠲免並漕糧亦着停徵至山
西陝西被災州縣錢糧除照分數蠲免外其康熙三十
一年春夏二季應徵錢糧俱各緩至秋季徵收用稱歲
眷愛黎元撫綏休養至意爾部卽遵諭行特諭

聖諭十六條 康熙三十年

敦孝弟以重人倫 篤宗族以昭雍睦
和鄉黨以息爭訟 重農桑以足衣食
尚節儉以惜財用 隆學校以端士習

黜異端以崇正學

講法律以儆愚頑

明禮讓以厚風俗

務本業以定民志

訓子弟以禁非爲

息誣告以至善良

誠匿逃以免株連

完錢糧以省催科

聯保甲以弭盜賊

解讎忿以重身命

御製碑

康熙三十年

至聖先師孔子贊并序

蓋自三才建而天地不居其功一中傳而聖人代宣其
蘊有行道之聖得位以綏猷有明道之聖立言以垂憲
此正學所以常明人心所以不泯也粵稽往緒仰題前

衛輝府志

卷首

聖製

五

微堯舜禹湯文武達而在上兼君師之寄行道之聖人
也孔子不得位窮而在下秉剛述之權明道之聖人也
行道者勳業炳於一朝明道者教思周於百世堯舜文
武之後不有孔子則學術紛淆仁義湮塞斯道之失傳
也久矣後之人而欲探二帝三王之心法以爲治國平
天下之準其奚所取衷焉然則孔子之爲萬古一人也
審矣朕巡省東國謁祀闕里景企滋深敬搦筆而爲之

贊曰

清濁有氣剛柔有質聖人參之人極以立行著習察舍
道莫由惟皇建極惟后緘猷作君作師垂統萬古曰惟

堯舜禹湯文武五百餘歲至聖誕生聲金振玉集厥大成序書刪詩定禮正樂既窮象繫亦嚴筆削上紹往緒下示來型道不終晦秩然大經百家紛紜殊塗異趣日月無踰美牆可晤孔子之道惟中與庸此心此理千聖所同孔子之德仁義中正秉彝之好根本天性庶幾夙夜勗哉令圖遡源洙泗景躅虞虞載歷庭除式觀禮器擗毫仰贊心焉遐金百世而上以聖爲歸百世而下以聖爲師非師夫子惟師於道統天御世惟道爲寶泰山巖巖東海泱泱竊高萬仞夫子之堂孰窺其藩孰窺其徑道不遠人克念作聖

衛輝府志

卷首

聖製

六

復聖顏子贊

聖道早聞天資獨粹約禮博文不遷不貳一善服膺萬德來萃能化而齊其樂一致禮樂四代治法兼備用行舍藏王佐之器

宗聖曾子贊

洙泗之傳魯以得之一貫曰唯聖學在茲明德新民止善爲期格致誠正均平以推至德要道百行所基纂承統緒修明訓辭

述聖子思子贊

於穆天命道之大原靜養動察庸德庸言以育萬物

贊乾坤九經三重大法是存篤恭慎獨成德之門卷之
藏密擴之無垠

亞聖孟子贊

哲人死萎揚墨昌熾子輿闢之曰仁曰義性善蜀闡知
言養氣道稱堯舜學屏功利煌煌七篇並垂六藝孔學
攸傳禹功作配

特恩通蠲直隸各省等處錢糧上諭 康熙五十年

朕誕膺大統撫育寰區夙夜孜孜不自暇逸凡以爲民
也勤圖利濟休養生全卽無水旱之虞時布寬仁之政
蠲租除賦務使遐方率土無不均霑或值雨暘偶愆出

衛輝府志

卷首

聖製

七

帑發粟多方賑恤其有益於吾民者靡弗備舉而亟行
之以昭朕愍懇周詳之至意前四十九年所頒諭旨申
晰甚明原欲將五十年天下錢糧通行蠲免以諸臣集
議恐需用兵餉撥解之際兵民驛遞益致煩苦故自五
十年爲始三年之內全免一週除將直隸奉天等九省
康熙五十年地丁錢糧一概蠲免及歷年舊欠錢糧一
并免徵外山西河南陝西甘肅湖北湖南各撫屬除漕
項外五十一年應徵地畝銀共八百四十萬四千兩有
奇人丁銀共一百二十萬八千一百兩有奇着察明全
免並歷年舊欠共五十四萬二千三百兩有奇亦俱着

免徵其五十二年應蠲省分至期候旨行民間舊欠既經豁免嗣後每年額徵錢糧務如數全完倘完不及額或有虧空托稱民欠卽責令督撫以下官員償補仍從重治罪該督撫須實心力行期副朕惓惓愛民之意如有指稱事故侵欺科派事發之日必嚴行究治諭旨到日遍示城郭鄉村深山窮谷咸使知悉爾部卽遵諭行特諭

世宗憲皇帝上諭 雍正元年

諭知府國家親民之官莫先於守令蓋州縣官與民最親而知府又與州縣官最親凡州縣興利除弊之事皆於

衛輝府志

卷首

聖製

八

知府有專責焉是知府一官分寄督撫監司之耳目而爲州牧縣令之表率承流於上宣化於下所繫綦重矣漢宣帝有曰太守吏民之本也又曰庶民所以安其田里而無歎息愁恨之心者政平訟理也與我共此者其惟良二千石乎故兩漢循良稱盛而賢守尤多龔黃名杜諸人大都皆廉潔和平正身率屬以與民休養生息史稱其所居民富所去民思此皆彰明較著者也

皇考澄肅官方慎簡僚吏知府中有政績茂異聲名著聞者必加優眷數年之間卽膺殊擢所以鼓勵循良務令羣黎受福爾等蒙

考簡用之恩受國家民社之寄地方不甚遠遠則於民間之疾苦可以周知勢分不挂懸殊則於屬下之賢否可以洞悉爾果廉正自持屏絕賄賂則督撫監司必不致肆行需索而州牧縣令亦不敢恣意貪婪近聞州縣火耗任意加增罔知顧忌以小民之脂膏飽貪吏之谿壑由爾不能却遺金於暮夜又安能禁屬吏之濫征乎盤查倉庫必須覈實不可視爲故事乃或借盤查之名勒索餽遺是因盤查而虧空愈甚矣爾能時勤勸誡加以體恤則州縣可無虧空之虞能制節謹度淡泊是安則爾亦可免虧空之累勸農課桑以厚風俗禁戢強暴以備輝府志

卷首

聖製

九

安善良平情聽斷以清獄訟皆爾職守之所當盡者至於督撫舉劾州縣必由爾之詳揭務須秉公持正勿涉偏私若善於逢迎者從而庇護薦拔之而端方恬靜之人反故爲摧抑下吏皆苟且營私以求容悅地方之事尚可問乎居官者每有初入仕途清操自矢漸登華要頓改初心既知砥礪廉隅卽當始終一節更有巧於仕宦者人每謂其名實兼收朕最不解此語夫名者實之華果能潔已愛民奉公盡職此所謂實也治行稱首民歌輿頌此所謂名也實至而名隨之如本立而華茂若弋取虛譽爲名而以封殖多藏爲實此則小人之

更甚於貪黷彰聞之輩矣朕繼承大統夙夜兢兢
有負

上考付託之重深冀爾等各體此意精白乃心以古循良自
勉若徇私納賄不能率屬愛民貽害地方蔑視憲典三
尺具在朕不能為爾等寬也特諭

諭知州知縣朕維國家首重吏治爾州牧縣令乃親民之
官吏治之始基也貢賦獄訟爾實司之品秩雖卑職任
綦重州縣官賢則民先受其利州縣官不肖則民先受
其害膺茲任者當體

朝廷惠養元元之意以愛民為先務周察蒞屋綏輯鄉里
循輝府志 卷首 聖製

治行果有其實循卓自有其名非內聚財而外干譽謂
之名實兼收也全省吏治如作室然榑撫其棟梁也司
道其垣墉也州縣其基址也詩云民惟邦本本固邦寧
夫所以固邦本者在吏 而吏治之 在州縣苟州縣之
品行不端猶基不立則室不可成庸有濟乎

皇考臨御六十一年灼知州縣之吏特行引見咨詢明試至
詳至慎其有廉能之員每不次超擢以示鼓勵今海內
羣黎皆

皇考所懷保也朕膺

皇考之治功惟爾州縣諸臣具有父母斯民之責實為朕

之基址以固邦本焉誠能潔已奉公實心盡職一州一縣之中興仁興讓教孝教忠物阜民安刑清訟簡朕將升之朝堂用作股肱如或用念民瘼恣意貪婪或腹削肥家或濫刑逞虐或借刻以爲清或恃才而多事或諂媚上司以貪位或任縱胥吏以擾民或徇私逞欲以上虧國帑王章具在豈惡貸歟更有任州縣時私肥已橐而漫云且俟顯要方立名節者其與初市清名晚而改操之人何以異哉至於錢糧關係尤重絲毫顆粒皆百姓之脂膏增一分則民受一分之累減一分則民沾一分之澤前有請暫加火耗抵補虧空帑項者

是考示諭在廷不允其請爾諸臣共聞之矣今州縣火耗任意加增視爲成例民何以堪乎嗣後斷宜禁止或被上司察核或被科道糾察必從重治罪決不寬貸夫欲清虧空之源莫如節儉正直節儉則用無不足正直則上官不同干以私若腹小民之生以飽上官之貪欲冒不測之罪以快一時之奢侈豈砥礪廉隅爲民父母之道乎爾州縣等官其恪共乃職勿貽罪戾毋謂地遠官宰朕不及察其賢否也特諭

國家建立學校原以興行教化作育人材典至渥也朕

海以來隆重師儒加意庠序近復慎簡學使釐剔弊
務期風教修明賢才蔚起庶幾模範作人之意乃此
士習未端儒效罕著雖因內外臣工奉行未能盡善亦
由爾諸生積錮已久粹難改易之故也茲特親製訓言
再加警飭爾諸生其敬聽之從來學者先立品行次及
文學學術事功源委有叙爾諸生幼聞庭訓長列宮牆
朝夕誦讀寧無講究必也躬修實踐砥礪廉隅敦孝順
以事親秉忠貞以立志窮經考業勿雜荒誕之談取友
親師悉化驕盈之氣文章歸於醇雅毋事浮華輒度式
於規繩最防蕩軼予衿侑達自昔所譏苟行止有虧雖

讀書何益若夫宅心不淑行已多愆或蜚語流言脅制
官長或隱糧包訟出入公門或唆撥姦猾欺孤凌弱或
招呼朋類結社邀盟乃如之人名教不容鄉黨不齒縱
幸脫褫扑濫竊章縫返之於裏寧無愧乎况鄉會科名
乃掄才大典關係尤鉅士子果有實學何患困不逢年
顧乃標榜虛名暗通聲氣夤緣詭遇罔顧身家又或改
竄鄉貫希圖進取囂凌騰沸網利營私種種弊端深可
痛恨且夫士子出身之始尤貴以正若茲嗚初拜獻
已作姦犯科則異時敗檢踰閑何所不至又安望其
公持正爲國家宣猷樹績膺後先疏附之選哉激用

惠爾等故不禁反復惓惓茲訓言頒到爾等務共體朕
心恪遵名訓一切痛加改省爭自濯磨積行勤學以圖
上進國家三年登造束帛已旌不特爾身有榮卽爾祖
父亦增光寵矣逢時得志寧俟他求哉若仍視爲具文
玩愒勿儆毀方躍冶暴棄自甘則是爾等冥頑無知終
不能率教也旣負栽培復干咎戾王章具在朕亦不能
爲爾等寬矣自茲以往內而國學外而直省鄉校凡學
臣師長皆有司鐸之責者並宜傳集諸生多方董勸以
副朕懷否則職業勿修咎亦難逭勿謂朕言之不預也
爾多士尚敬聽之哉

衛輝府志

卷首

聖製

三

恩賞義民翟世有頂帶銀兩諭

雍正六年

據河東總督田文鏡奏摺內稱河南府孟津縣天平街
住民翟世有以耕種爲業雍正六年四月初三日有陝
西三原縣人秦泰販買棉花携銀一百七十兩遺失在
路翟世有赴地耕作見而拾獲欲俟原主尋找給還半
候一日及歸告知伊妻徐氏徐氏亦勸夫給還至次日
始見秦泰招帖遂報明鄉地將原銀給與絲毫取不取秦
泰因招帖原有均分之約且感其恩惠欲毀約酬謝而
翟世有固辭不受似此義舉清操實爲難覩已
賞銀并飭縣立碑以示獎勵謹具摺奏聞等語夫

品隨帶仍賞銀一百兩以旌其善凡人境遇之豐高貧
富皆有一定之數不可以倖而致假若貪者有餘而廉
者不足則是定數不足憑而天道不可開矣有是理乎
無奈世人貪心一萌遂以明白淺顯之理不能知覺而
見利思義不拾遺金便爲古今罕觀之事如翟世有者
乃耕田力作之農民耳未必備讀先聖之詩書取法古
人之行誼而天性樸誠不欺暗室用能化等其妻其成
義舉是以神明默佑揚表芳徽令聞達於朝廷拜章服
帑金之賜且將揚名於史冊流譽於無窮倘但計一時
之利所得不過百餘金爲數幾何用輒易罄以今日之

衛輝府志

卷首

聖製

五

榮名較之其多寡豈啻霄壤之分哉觀翟世有之一節
必其平日存心忠厚正直公平是以上蒙天鑒錫茲美
事倘人人觀感興起皆能如此存心則不但成讓路讓
畔之休風而本人亦必受上蒼之嘉祐荷國家之恩榮
詎不美歟上年京城內有鋤草夫役名六十一者於伊
草內拾得銀五十兩不肯私取當官呈出隨經該管官
員奏聞朕已降旨獎賞此事與翟世有之還金相類翟
世有六十一皆齊民也而能戒貪知足砥礪廉隅彼居
官者身列縉紳羣黎賴其表率爲士者名標庠序百姓
奉爲楷模而乃暮夜餽賂夤緣納賄公門出入網利

私不守官箴不端士品今聞翟世有六十一之事其能無愧於心乎朕爲人心風俗起見特將田文鏡奏摺發出頒此諭旨著內外地方官員通行曉諭所屬官民人等知之

特恩蠲免河南錢糧論

雍正七年

總督田文鏡公忠歷練自海任豫省以來撫綏化導以實政實心爲察吏安民之本是以風清弊肅吏畏民懷地方舒暢之氣感名

天和數年之中年穀悉登豐稔該督之功實爲可嘉兼該省紳士庶民風俗向來醇樸又能遵封疆大臣之教人人

衛輝府志

卷首

聖製

六

向義輸忠以受

上天之恩實可謂良民矣夫凶荒歉而蠲免正賦者乃賑窮恤困之意若羣黎共敦善行以迓

天庥屢歲有秋災稔不作則賞善旌良朕之加恩沛澤更爲愉快著將豫省雍正七年額徵錢糧蠲免四十萬兩督田文鏡可確查分數通行所屬州縣一體遵奉各閭均沾實惠朕廣收人材以資吏治每年保舉引時覺豫省之人較少大約豫省士風器量謹厚有才具明通不足今欲加以策勵以備國家政事之田文鏡通行所屬府州縣選其才猷可供任使者

入數資格秉公舉出該督再加遴選具題奏聞送部引
見又念中州之民務本力田勤於耕作書經曰若農服
田力穡乃亦有秋正今日豫省之謂也着該督於常例
歲舉老農外再令所屬每處各舉一人給以八品頂帶
以示優獎並將朕旨曉諭遠鄉僻壤之民共知之特諭
特恩蠲河南地丁錢糧四十萬兩上諭 雍正十一年

據河南署撫孫國璽奏報豫省歷年耗羨銀兩除本地
公事支用外現存司庫銀七十萬兩有零又社倉存貯
穀麥等項共計二十八萬石有零等語此皆原任總督
田文鏡在任多年殫心經理之所儲蓄者從前提解耗

羨之時本是澄清吏治體養民生之意屢降旨此項出
自民間若本地公用充裕之時朕仍當加恩本地官民
使之霑被惠澤不令歸入公帑也今豫省存貯耗羨既
有七十萬兩之多而該省官員等每年所得養廉又已
敷用無須再爲增添正當加惠閭閻俾令邀恩於格外
着將河南本年地丁錢糧蠲免四十萬兩卽以存貯之
耗羨銀照數撥補還項該督王士俊可督率有司敬謹
奉行使豫民均霑實惠大凡耗羨多餘之省該督撫藩
司等往往不甚愛惜隨數用去並不爲百姓計而存積
節之心卽如晉省巡撫養廉每年至一二萬兩藩司至一

萬五千兩皆相沿以爲固然若伊等罔意民生請凡早
爲節省則儲蓄充盈亦可爲加惠編氓之助矣特諭
特恩寬免以前積欠錢糧上諭 雍正十三年

上諭各省民欠錢糧十年以上者已於恩詔內概予蠲免
其餘未完民欠尚係應徵者朕思續緒方初惟當繼述
我

皇考惠養黎元之至意俾服疇力穡之人均沐恩膏積遺全
釋若未蠲之項尚事徵收民間不無煩擾茲特再行降
旨於恩詔外將雍正十二年以前各省錢糧實欠在民
者一併寬免從前江南積欠錢糧內曾有官侵吏蝕二
衛輝府志 卷首 聖製 大
項乃從民欠中分出者此時差往大臣官員辦理原不
妥協亦著照民欠例寬免此朕仰體

皇考誠求保赤之心深願吾民厚生正德之意各省軍民人
等身受國恩至渥自應感動天良屏除陋習明守法奉
公之大義循則壤成賦之常經共爲良民免追呼之擾
累倘疲玩性成不知俊改則是吾民中最爲愚頑之人
既無畏威之念亦鮮懷德之心國法具在朕亦不能爲
之寬貸也爾等卽交部遵行欽此

恩定分數徵收以爲各官養廉上諭 雍正十三年
上諭向來州縣徵收錢糧因銀色有傾蚰之耗折解送

給其罪倘督撫徇隱不舉或經科道糾察定將該督撫等一并嚴加議處再各省耗羨分數率在加一上下然江南賦重之區如蘇松常鎮四府額賦較之他省幾及數倍雍正六年以前每兩加耗僅止五分雍正六年以後增至加一且有司又復巧取苛索民何以堪其令江南督撫詳加酌定量減分數徵收不得仍前重耗困民倘敢陽奉陰違朕必於該督撫是問特諭

特恩蠲免錢糧分惠佃戶上諭 雍正十三年

上諭朕臨御以來加惠元元將雍正十二年以前各省民欠錢糧悉行寬免誠以民爲邦本治天下之道莫先於

衛輝府志

卷首

聖製

三

愛民愛民之道以減賦蠲租爲首務也惟是輸納錢糧多由業戶則蠲免之典大概業戶邀恩者居多彼無業貧民終歲勤動按產輸糧未被國家之恩澤尚非公溥之義若欲照所蠲之數屢畝除租繩以官法則勢有不能徒滋紛擾然業戶受朕惠者十苟捐其五分惠佃戶亦未爲不可近聞江南已有嚮義樂輸之業戶情愿蠲免佃戶之租者閭閻興仁讓之風朕實加悅其命所在有司善爲勸諭各業戶酌量寬減彼佃戶之租不必限定分數使耕作窮民有餘糧以贍妻子若有素封業戶能言體此意加惠佃戶者則酌量獎賞之其不願者聽

之亦不得勉強從事此非捐修公項可比有司當善體
朕意虛心開導以興仁讓而均惠澤若彼刁頑佃戶藉
此觀望遷延則仍治以抗租之罪朕視天下業戶佃戶
皆吾赤子恩欲其均也業戶沾朕之恩佃戶又得拜業
戶之惠則君民一心彼此體恤以人和感名

天和行見風雨以時屢豐可慶矣特諭

特恩整飭書院成就人才上諭 乾隆元年

上諭書院之制所以導進人才廣學校所不及我

世宗憲皇帝命設之省會發帑金以資膏火恩意至渥也古

者鄉學之秀始升於國然其時諸侯之國皆有學今府

衛輝府志

卷首

聖製

三

州縣學並建而無遞升之法國子監雖設於京師而道
里遙遠四方之士不能胥會則書院卽古侯國之學也
居講席者固宜老成宿望而從遊之士亦必立品勤學
爭自濯磨俾相觀而善庶人才成就足備朝廷任使不
負教育之意若僅攻舉業已爲儒者末務况藉爲聲氣
之資游揚之具內無益於身心外無補於民物卽降而
求文章成名足希古之立言者亦不多得寧養士之初
指耶該部卽行文各省督撫學政凡書院之長必選
明行修足爲多士模範者以禮聘請負笈生徒必擇
里秀異沉潛學問者肄業其中恃才放誕佻達不羈

士不得濫入書院中酌倣朱子白鹿洞規條立之儀節以檢束其身心倣分年讀書法予之程課使貫通乎經史有不率教者則擯斥勿畱學臣三年任滿諮訪考檢如果教術可觀人才興起各加獎勵六年之後著有成效奏請酌量議叙諸生中才器尤異者准令薦舉一二以示鼓舞特諭

特恩蠲免直省應徵錢糧上諭 乾隆十年

上諭我朝

列聖相承深仁厚澤無時不加意培養元元以期家給人足

百年以來薄海內外物阜民康共享昇平之福朕臨御

衛輝府志 卷首 聖製 三

天下十年於茲撫育蒸黎民依念切躬行儉約薄賦輕徭孜孜於保治之謨不敢稍有暇逸常守節用愛人之訓凡以爲民也今寰宇敉寧旣鮮糜費之端亦無兵役之耗所有解部錢糧原爲八旗官兵及京員俸餉之所共需計其所給較宋時養兵之費猶不及十之一二至於各處工程爲利民之舉者亦祇取給於存公銀兩卽朕偶有巡幸賞資所頒亦屬無幾是以帑藏尚有餘積數年來直省偶有水旱朕加恩賑濟多在常格之外前年江南被水撫綏安插計費帑金千餘萬兩凡此因災傷補救而沛恩澤者朕思海宇乂安民氣和樂

無保泰莫先於足民况天下之財止有此數不聚於一
則散於下仰惟我

皇祖在位六十一年蠲租賜復之詔史不絕書又曾特頒
恩旨將天下錢糧普免一次我

皇考旰食宵衣勤求民瘼無日不下減賦寬徵之令如甘肅
一省全行豁免者十有餘年此中外所共知者朕以繼
志述事之心際重熙累洽之候欲使海澨山陬一民一
物無不均沾大澤爲是特降諭旨將乾隆丙寅年直省
應徵錢糧通行蠲免其如何辦理之處着大學士會同
該部卽速定議具奏欽此

循輝府志

卷首

聖製

三

特恩蠲免耗羨錢糧上諭

乾隆十一年

上諭朕愛育黎元格外加恩將各省錢糧普免一次以爲
休養萬民之計經大臣等酌議國家每年一定之經費
皆取資於正賦應將各省分作三年蠲免則經費有賴
而先後之間萬民均沾膏澤至於耗羨乃有司養廉及
辦理公務之所必需應令照舊輸納朕已允行今思朕
之逾格蠲免天下正賦者所以藏富於民且使閭閻之
間終歲不聞催科之聲也今正賦旣蠲而耗羨又令完
納是官民仍有交關猶不免追呼之擾不若將蠲賦之
年應徵耗羨一併緩至開徵年按數完納使小民於六

關之日完此些須不必兩次伺候於公庭亦體恤民情之意著該部卽遵諭行並將公用不敷之處作何撥抵酌爲辦理各省督撫當革率有司善爲之勿因此又別生弊端也欽此

巡幸嵩洛加恩蠲免錢糧上諭 乾隆十五年

上諭朕巡幸嵩洛一切供頓皆動用正項絲毫不以累民惟念安營除道未免有資民力直隸所經之地現已降旨照例蠲除所有河南經過地方着加恩蠲免錢糧十分之三該部卽遵諭辦理務使小民得沾實惠欽此

巡幸河南全免丁地錢糧上諭 乾隆十五年

衛輝府志

卷首

聖製

三

上諭朕此次巡幸河南省方問俗所至推恩尤念祥符爲省會之區登封寶坻之所鑿與駐蹕宜沛優施着將該二縣乾隆辛未年應徵丁地錢糧全行蠲免俾愷澤均沾以愜小民近光之願該部卽遵諭行欽此

臨幸河南優恤高年上諭 乾隆十五年

上諭朕臨幸河南蠲租肆赦業經次第舉行而優恤高年亦應一體加恩着督撫查明經過州縣內男婦年七十以上者照前恩詔之例分別賞賚欽此

巡幸河南給還樂輸上諭 乾隆十五年

上諭據巡撫鄂容安奏稱恭遇駕幸河南通省紳民感沐

皇仁無出仰報情願捐輸共收銀五十八萬七千一百兩以充公用等語朕時巡方岳一應道路橋梁等費皆由開銷正項從無絲毫累民之事卽城垣祠廟有應勸墾灑掃略爲整葺者祇宜動支帑項卽其間或有開銷不到之處現經賞給該省公項銀兩以資通融辦理之用曾何藉於輸將鄂容安此奏甚屬錯悞因其據實陳明尚不至蹈欺隱之咎猶可稍寬但朕省方問俗勤恤民隱尙慮休助之弗周豈容供用轉資於下鄂容安不能仰副朕意殊失政體着傳旨嚴行申飭所有紳民樂輸之項俱着給還摺並發欽此

歸輝府志

卷首

聖製

二五

上諭據鄂容安摺奏豫省紳民因翠華臨幸情願効力輸工銀兩實屬子來至願如復行給還非特不肯領回且頭緒紛繁難免胥吏中飽懇請聽其所願至辦理之初並未具奏實屬錯謬伏乞嚴治臣罪等語朕巡方問俗蠲復頻仍惟慮德意未能徧逮一切供頓絲毫不以累民前降諭旨甚明鄂容安惟知下情踴躍輸將據實冒昧從事本應嚴行治罪但旣經據實陳奏究與有心欺隱者有間情尚可寬且以陸續輸工之項復令紛紛具領恐奸胥猾吏從中舞弊轉以飽其慾壑此語亦屬近是則給還之事實屬勢所難行然地方官或辦理失宜

款項無憑稽覈以閭閻尊君親上之忱適足資其糜蕩
侵用是又始終不能仰體朕意獲罪尤甚者矣著鄂容
安將所有蠲輸銀兩實在作何辦公之處詳悉查明繕
冊送軍機處逐一審核毋得稍有朦混欽此

上諭朕頻歲巡幸直省問俗觀風一遵

神訓入疆考績既是利益民生而扈從官兵亦得練習勤勞
修明紀律所關甚鉅也所有行營供頓悉出內帑絲毫
不以擾民道路橋梁原准開銷正項且更特賜公項俾
通融協濟該督撫等量力措辦儘足敷用卽或大員俸
入既豐稍効忱悃尚非必不可行之事從未有出於指

循輝府志

卷首

聖製

美

派紳民者今歲時巡豫省所司辦理非該撫等及二三
大員力所能及因逐日召進藩臬道府等隨事詢察伊
等奏對之間皆有畏首畏尾之意朕知其辦理不善詢
之該撫而鄂容安初尚欲含糊了事及加嚴詰乃一一
據實奏明出自通省士民捐輸朕本欲卽治其罪念伊
父大學士鄂爾泰宣勞有素伊在巡撫任內二年以來
頗改其好名舊習而諸事勉出力且因朕問亦卽行
據實奏明尚與始終欺隱者有間是以降旨切責姑免
其交部議處至於富明身任藩司與該撫公同辦理乃
於朕回鑾日援照三年期滿之例奏請求京陛見朕當

卽降旨伊於行在屢經召對不應遽言卽見繼係政事
乖張交部察議且明知其非出於糊塗坵泥必因見朕
深責鄂容安故爲此奏如准其來京遂得於召見時乘
機卸責其巧猶居心殊不可問令軍機大臣等傳旨申
飭富明令其明白回奏今回奏摺內果稱諸凡與撫臣
會同商酌並無異議是鄂容安辦理此事竟爲富明所
賣不能逃朕洞鑒矣富明已照部議降調朕在中州時
見該撫不能仰體朕心冒昧辦理恐江浙督撫等聞風
效尤將以觀風布澤之盛典轉成地方官科歛累民之
私計因卽遣兆惠等由開封馳至江浙宣布朕意俾督

衛輝府志

卷首

聖製

七

撫知所做誠今兆惠回京覆奏江浙督撫並無派累朕
心稍釋朕爲海內蒼黎蠲免正供至數千萬尙所不惜
豈因省方盛舉轉惜多費數十萬金而乃需民捐輸耶
卽謂感恩趨事實出羣情所願而農民非富商可比該
督撫亦應明諭朕旨永行禁止方爲知輕重之大臣豈
可因循從事着將朕在中州訓飭鄂容安并因富明前
奏傳諭鄂容安各諭旨宣示中外俾共知朕意科道等
惟以撫拾陳言及枚舉細故爲盡職似此有關政體之
事何不參奏着通行申飭朕已明頒諭旨亦不必再行

續奏欽此

特恩蠲免漕糧上諭 乾隆三十一年

上諭朕統御萬方孜孜求治惟以愛育黎元爲念自御極以來蠲賜所逮不下千億萬乾隆十年曾恭依

皇祖普免直省錢糧恩例蠲免天下額徵正賦二千八百萬有奇期斯民家給人足咸臻樂利惟歲運漕米向以供給兵餉糜糈之用非水旱特蠲例不普免夫八政以食爲先閭閻蓋藏尤資饒裕恭閱

皇祖實錄康熙三十年

特頒恩旨將各省起運漕糧通行蠲免一週大澤均沾慶逾常格仰惟

衛輝府志

卷首

聖製

三

皇祖冲齡踐祚臨御之三十年春秋未及四十朕年二十有五始登大寶膺祺受祉迄今亦閱三十年際重熙累洽之會必世昌期均符泰運其爲慶幸倍深茲荷蒙

上天眷佑

列聖鴻庥函夏謐寧疆宇式闡北庭西域二萬餘里咸隸版圖外有耕屯之獲內無餽餉之勞且連歲年穀順成庶物豐殖京通倉貯儘有餘粟

天旣誕貽樂歲惠洽昇平朕自當仰體

天心以推恩黎庶是用敬承嘉覲懋繼

前謨使薄海億兆並裕倉箱之慶所有湖廣江西浙江江蘇

安徽河南山東應輸漕米着照康熙年間之例於乾隆三十一年爲始按年分省通行蠲免一次其江寧京口杭州荊州等處駐防地方該省漕米旣蠲所存倉兵食如何預爲籌辦並各該省蠲免次第應行酌辦各事宜着該部速行定議具奏欽此

特恩蠲免漕糧折色上諭 乾隆三十一年

上諭前經降旨將各省漕糧分年普免一次期使海宇黎元均霑闔澤但聞漕糧欵內尙有例徵折色及民戶等銀官爲辦漕者雖徵收銀米不同其爲按田起漕之例則一也若仍令其照漕項一例輸將不得與交納本色

衛輝府志

卷首

聖製

无

民戶并邀曠典未免獨切向隅着再申諭辦漕各省州縣內有徵收折色者一體概予蠲免督撫等務董率所屬實力經理再行明白曉諭毋使胥吏藉名滋弊副朕嘉惠閭閻普施膏渥至意該部遵諭速行欽此

特恩蠲免錢糧佃戶均沾惠澤上諭 乾隆三十二年

上諭前於乾隆十一年通行蠲免直省應徵錢糧曾令各督撫轉飭州縣官勸諭有田之家酌減佃戶租糧使之均沾惠澤上年春初朕特沛恩施降旨各省起運漕糧分年蠲免一週俾溥海農疇共叨樂利在有田業戶於輸蠲漕米之年已得倍裕蓋藏而佃戶等尙未一體

邀曠典着各省督撫屆輪蠲免年分通行曉示諭各業戶等照每畝應蠲漕米數內亦令佃戶免交一半務期愷澤均敷使納糧力穡之人倉箱並資盈阜該部遵諭卽行欽此

特恩緩徵隨漕船料銀兩上諭 乾隆三十五年

上諭豫省地丁錢糧本年屆輪免之期業經全行蠲免俾閭閻共享樂利第念正賦固已蠲除此外尚有隨漕并船料等項銀兩不在應蠲之例但零星徵取小民輸納既難且仍不免追呼之事着再加恩將該省本年額徵漕項銀一十一萬八千餘兩又歸德府屬之商邱寧陵

衛輝府志

卷首

聖製

三

永城鹿邑虞城夏邑等六縣本年地丁項下改解山東船料銀一千六百八十七兩零俱緩至次年徵收所有應行需用給解之項卽令該督撫酌量借項動撥仍俟來年補徵後歸還該部卽遵諭行欽此

特恩緩徵上諭 乾隆三十八年

上諭現在派調京兵二千及吉林黑龍江兵二千赴川省軍營應用一切經過地方停頓供億俱動用公帑官爲辦理絲毫不累閭閻而挽運負任之勞不能不稍藉民力朕每念百姓等之誠心奉公深可嘉尚屢示優卹新正曾加恩將川省官兵經過各廳州縣本年額徵錢糧

此由四百里傳諭畢沉等知之並將如何會辦情形一面辦理一面迅速覆奏欽此

和恩先行蠲免豫省錢糧上諭 乾隆四十三年

上諭豫省自去秋至今雨澤稀少現在已交夏令卽甘霖早晚霑沛止可趕種秋稼二麥已難望有收業經疊沛恩施令該撫加意撫卹但被旱略久民食不免稍艱其開封等五府應徵本年錢糧雖經降旨停緩但秋後仍須輸納民力究不免拮据莫若將該省乾隆四十五年輪免錢糧卽於本年先行蠲免其迤南各府州現已徵收者卽作爲明年正供在被旱之五府屬貧黎旣得免

衛輝府志

卷首

聖製

三

追呼卽有收之各府屬亦可以其有餘供歉區糶買以資接濟該撫務董率所屬實心經理毋使吏胥從中滋弊以副朕軫念民生之至意該部卽遵諭行欽此

特恩蠲免上諭 乾隆四十三年

上諭大學士管兩江總督高晉閩浙總督楊景素等合詞陳奏以江浙臣民望幸甚殷且河工海塘皆冀親臨指示懇請於庚子春再舉南巡盛典以愜輿情一摺朕於乙酉南巡回鑾時因耆孺攀戀情殷曾許以翠華再然敬念

五母皇太后春秋已高難以再奉

長途遠涉遂諭江浙大吏不必更以南巡爲請而江鄉
士庶愛戴依戀之情狀未嘗不往來於懷距今已十有
四年其間憂懼自益施切且自前巡閩定五壩水誌
以爲屐括清口之準下河從此遂免水災嗣聞黃河倒
漾所繫甚重因酌定挑濬陶莊引河面諭薩載籌辦河
成而清黃交匯處移濬清口不復有倒灌之患但下游
尙有停淤亦不可不防其流弊而一切善後事宜若非
臨蒞閱視究不能悉其實在情形至浙省海塘近來潮
勢漸趨北岸深爲慮念亦不可不親爲相度機宜今高
晉等不以此奏著照所請於乾隆四十五年正月諭旨
備輝府志

卷首

聖製

七

啟鑾巡幸江浙便道親閱河工海塘所有各處行宮坐
落俱就舊有規模略加葺治毋得踵事增華致滋繁費
至該督等以庚子年適逢朕七旬萬壽欲就近舉行慶
典則斷不可朕本意以庚子年爲朕七旬慶辰越歲辛
丑卽恭逢

聖母九旬萬壽斯則敷天同慶自當臚歡祝

嘏以抒萬姓惻忱今旣不能遂朕初願尙復何心爲已稱慶
况朕躋途所經老幼歡迎扶携恐後未嘗不顧而樂
若經棚戲臺侈陳燈綵點綴紛華飾爲衢歌巷舞深
不取且非所以深體朕意也不特江浙臣民不嘗爲

釐之舉卽凡內外大小臣工於朕七旬萬壽時亦不得請行慶典以及進貢獻詩若伊等謂欲藉以申其尊敬之誠是轉增朕心之不悅尚得謂之忠愛乎但天下士遇朕七旬萬壽皆不免筵恩俸澤此則情理之常朕亦何肯因不舉行慶典並靳恩施乎着於己亥年八月舉行恩科鄉試庚子年舉行恩科會試以彰壽考作人之盛至各省漕糧於乾隆三十一年普免一次茲蒙
旻蒼眷佑累洽重熙朕敬體

天心愛養億兆用是再沛恩膏着於庚子年爲始復行普免

天下漕糧一次俾藏富於民共享盈寧之福所謂歛福

衛輝府志

卷首

聖製

五

錫民慶莫大焉其開科事宜着交禮部查例辦理其各省漕糧應如何分年輪免之處着交戶部詳悉妥議具奏將此通諭中外知之欽此欽遵抄出到部臣等恭照乾隆三十一年欽奉

特恩將各省起運漕糧通行蠲免經臣部謹照康熙三十年

恩免漕糧之例分作七年按年分省輪免一遇薄海億兆共

享盈寧今又

特沛恩綸自乾隆四十五年爲始復行普免天下漕糧

次

重熙累洽養恬久建於域埏

厚澤深仁藏富復繁夫倉廩極振古未達之

曠典仍今年抄名以均需益裕豐亨羣蒙樂利臣等遵

旨詳議所有河南山東江蘇浙江安徽江西湖南湖北等

省漕白二糧及黑豆麥石日應納額三十三一年之

例分爲七年按省輸免事各省糧額以及起運漕船多

寡不同如江蘇一省每年額漕共有一百九十餘萬石

計漕船二千九百餘隻浙江省每年額漕計數九十餘

萬石漕船一千餘隻江西省每年額漕七十餘萬石漕

船六百餘隻上經該督撫奏請將各州縣額漕本年

衛輝府志

卷首

聖製

三

先蠲一半次年再蠲一半俾空重漕船例帶貨物南北

得以流通欽奉

諭旨各屬漕糧概免一半條目繁多易滋淆混不如間府

分免界限犁然蠹役無出滋弊輸將既易於遵循蠲免

更普沾實惠欽此是以上次諭免江蘇浙江江西三省

之年均經該督撫奏明遵

旨分年開府次第蠲免此次蒙

恩再予普蠲其分年先後自宜籌酌妥協以期推廣

皇仁臣等謹將應蠲各省詳加籌酌應請於四十五年

河南省並免江蘇之江寧蘇州揚州徐州淮安五府屬

四十六年免山東省並免江蘇之松江常州鎮江太倉
海州通州六府州屬四十七年免浙江之杭州湖州一
府屬四十八年免浙江之嘉興府屬四十九年免安徽
省五十年免湖南省並免江西之南昌饒州南康廣信
四府屬五十一年免湖北省並免江西之瑞州臨江吉
安撫州建昌贛州六府屬仍分作七年遞行蠲免一遇
再查漕糧欸內有例徵折色及民戶輸銀官爲辦漕之
項上次欽奉

特恩一體概予蠲免此次應遵照辦理至各省隨漕等項
銀米向遇蠲免漕糧年分節經臣部酌議仍照額徵收

衛輝府志

卷首

聖製

三七

以爲停運丁船支給月糧及京口兵糧之用如有餘剩
報部酌撥此次亦應照額徵收惟各省徵收動支數目
多寡不一上次山東湖廣等省應徵隨漕銀米據該撫
等以爲數無多且應需之項又有倉存米谷可以動給
奏請緩俟次年按數徵收還項其江蘇等省徵收隨漕
銀米爲數較多因係京口兵糧及丁船減半月糧等項
之需據該督撫奏明仍請照額徵收以供支放是各省
情形不同一切條規應令該督撫循照上次章程辦理
並令刊布

旨通行曉諭轉飭地方官將應免漕糧應徵隨漕銀

計細註填發清單分給各戶俾便遵循再直隸保定府
縣駐防兵丁歲需兵米一萬二千餘石向係在於豫東
一省新運米內各半動撥搭運天津北倉交卸今該一
省漕米既蠲所有應需兵食自應預爲籌辦查豫東二
省停運薊漕一項本係留備直省不時之需現在積貯
尚多前項應需兵米應令在於該二省附近水次存貯
薊糧米內遇蠲免該二省之年卽將此項薊糧用漕艘
如數運供以裕兵儲臣等戴

天澤以承流敬悉心而叅酌務期

恩膏所被普徧靡涯敷天率土益沐

衛輝府志

卷首

聖製

三

皇仁於永永無既矣等因乾隆四十三年十月二十一日
奏本日奉

旨依議欽此相應行文該督撫遵照辦理可也

特恩蠲免汲淇緩徵銀兩上諭

乾隆四十三年

上諭上年河南省秋雨未能一律普霑而汲縣淇縣臨漳

三處秋收尤爲歉薄節經降旨令該撫等將各該縣

完錢糧倉谷緩至來春麥後徵收並令汲縣臨漳一

無方購種之戶撥借籽種銀兩以舒民力第念無

戶力量究未能寬裕該處地丁錢糧若至麥後新

穀貧農不無拮据着加恩將上年汲淇臨漳三縣

地丁銀四萬四千餘兩蠲免十分之四俾節正供之有餘以資民食之不足該部卽遵諭行欽此

特恩截留江西漕糧賑濟河南上諭

乾隆四十三年

上諭前因豫省上年秋成歉薄今夏二麥缺收民食不無拮据卽降旨截留江西尾稍漕糧十萬石令豫省於就近水次運回備用嗣以儀封考城二汛漫口復截留漕糧十萬石於豫以資賑卹併先後撥給兩淮鹽課銀一百萬兩俾銀谷兼賑灾民不致稍有失所今復思該省秋禾雖可望有收而儀考兩汛現有要工料物並須各屬辦運恐於冬間兌漕諸務不免兼顧爲勞着再加恩

衛輝府志

卷首

聖製

三五

將豫省本年應行起運漕糧內酌留粟米十萬石留貯該省以省挽運之費並可備賑糶之用該撫務董率所屬實心經理俾閭閻均沾實惠以副朕軫念灾黎之至意該部卽遵諭行欽此

特恩緩徵河南錢糧上諭

乾隆四十五年

上諭上年因豫省堵築漫工曾降旨將應徵丁地錢糧緩至秋後開徵第念該省自儀考數州縣被水成灾外其餘各屬雖獲有收而元氣初復戶少蓋藏若將丁地及舊欠並徵民力不無拮据着再加恩將該省四十四年分應徵丁地錢糧除被災各屬蠲免外其餘俱自四十年

五年爲始分作三年帶徵歸欵川昭體卹窮黎至意該部卽遵諭行欽此

特恩輪免河南通省漕糧上諭 乾隆四十五年

上諭據陳輝祖奏本年九月已屆新漕交納之期豫省自春至秋豐穰倍於往昔卽被災之地屢蒙恩卹元氣日復俱可踴躍輸將惟是儀封商邱等州縣漫淤未退若漕糧新舊並徵民力不無拮据現奉恩旨於庚子年爲始普免天下漕糧一次豫省輪應明年全免懇恩卽就今歲概賜蠲免並請將儀封考城等五州縣乾隆四十二年緩徵漕糧展至四十五六兩年分年帶徵等語前

衛輝府志

卷首

聖製

四

因豫省漫工久稽堵合瀕水田禾不能耕穫情形未免拮据深爲厪念屢經降旨加恩賑卹並諭令該撫查明應行加恩事宜據實速奏候朕酌量降旨以蘇民困茲屆新漕開兌之期被淹地方不無稍形支絀卽豐收各屬自去夏至今辦供夫料亦屬急公可嘉着加恩將該省乾隆四十五年應行輪免漕糧卽就今歲概賜蠲免俾閭閻益裕蓋藏其儀封考城商邱寧陵睢州被淹五州縣四十二年緩徵漕糧着再加恩展至四十五六兩年分年帶徵以紓民力該部遵諭速行至該撫所請詳符陳畱杞縣三縣舊漕請照二十三年折徵之處並着

該部速議具奏摺併發欽此

特恩豁免衛輝府屬錢糧上諭

乾隆四十九年

上諭昨因河南衛輝一帶缺少雨澤業經降旨將被旱較重之汲縣新鄉等十六縣民欠未完銀兩緩至秋熟後徵收以紓民力今思此項銀兩係四十八年民欠未完各該處被旱較重即使此時得有透雨趕種大田秋成後亦祇能完納本年錢糧若新舊並徵民力仍未免拮据着竟加恩將衛輝府屬之汲縣新鄉輝縣獲嘉淇縣延津滑縣濬縣封邱懷慶府屬之修武原武陽武彰德府屬之內黃及開封府屬之祥符陳留滎澤十六縣所

衛輝府志

卷首

聖製

聖

有乾隆四十八年民欠未完銀兩全行豁免該撫其督率屬員實力妥辦務俾閭閻均沾實惠以副朕軫念災黎有加無已至意該部卽遵諭行欽此

特恩緩徵衛輝府屬漕糧上諭

乾隆四十九年

上諭據何裕斌奏請將現被水旱之衛輝府屬汲縣新鄉獲嘉三縣懷慶府屬修武縣開封府屬陳留縣並歸德府屬之商邱寧陵睢州三州縣本年底徵粟米豆麥緩至五十五十一兩年分年帶徵等語本年豫省衛輝懷慶開封等處着夏被旱成災屢經降旨撫卹歸德等屬亦因漫口被淹並諭令該撫加意撫綏若按例徵輸民

力木免指拮着照所請汲縣新鄉獲嘉修武陽武商邱
寧陵睢州等八州縣本年應徵粟米共一萬一千二百
八十五石零豆一萬五千八百五石零又汲縣新鄉獲
嘉修武陽武商邱睢州等七州縣應徵麥一千五百二
十石零又汲縣新鄉獲嘉修武四縣截存薊糧米六千
二百八十五石零俱緩至五十五十一兩年分年帶徵
以紓民力又睢州等州縣緩徵麥豆請照例在於不被
災州縣應徵粟米內照數改徵又獲嘉等縣緩徵薊糧
內有搭運天津北倉及密雲兵米在於不被災各縣截
存薊米內派撥搭運暨睢州未被災西南二鄉照舊徵

衛輝府志

卷首

聖製

聖

收之處俱着照所請行該部知道摺併發欽此

特恩豁免帶徵緩徵上諭

乾隆五十年

上諭京畿一帶三冬以來雪澤短少朕心盼望焦切今自
初七初八兩日得雪盈尺渥澤優霑河南山東較京畿
尤更望澤邇日雲氣寬廣或亦普霑澤與否着該撫
各卽速奏因思農民得此透雪不但已種麥苗長發暢
茂並可趕種春麥藉卜豐收朕感荷

天恩實深額慶

天旣優加豐澤益當推恩歛福敷錫庶民所有衛輝府屬被
災之汲縣等五縣並附近災區之延津等九縣昨經降

旨展賑並將歷年帶徵耗羨等項及本年應徵又歷年
緩徵錢糧民欠未完常平義社等倉谷均緩至本年秋
成後分別徵送第念各該處被災地畝即使及時耕種
秋成豐稔亦止能輸納本年錢糧若將緩徵各項同時
並徵民力未免拮据着加恩將衛輝府屬之汲縣輝
縣新鄉淇縣獲嘉等五縣並附近災區之延津濟縣滑
縣封邱考城武陟陽武修武原武等九縣帶徵緩徵民
欠等各項全行豁免俾農民安心耕作盡力南畝共享
盈寧該撫卽出示曉諭咸使聞知副朕惠愛黎元有加
無已之至意該部卽遵諭行欽此

衛輝府志

卷首

聖製

聖

特恩展賑汲新輝獲淇等處上諭

乾隆五十年

上諭上年豫省衛輝一屬雨澤愆期農民未能一律趕種
秋麥又睢州南岸漫口下游被水之商邱寧陵睢州等
州縣晚秋尚未收穫及合龍後地畝涸出已不及播種
二麥雖經節次降旨令該撫查明實力撫卹第念今春
正賑已畢該處農民於青黃不接之時口食未免拮据
着加恩將汲縣新鄉輝縣獲嘉淇縣商邱寧陵睢州等
八州縣內十分災之極貧民再展賑三個月十分災之
次貧並九分災之極貧民展賑兩個月九分災之次貧
及七八分災之極次貧民均展賑一個月其被災五六

分地畝着酌量借給口糧所有乾隆四十九年民欠錢糧並於本年秋熟後徵收以紓民力該撫其董率所屬實力妥辦務使災黎均沾渥澤用薄春祺該部卽遵諭行欽此

特恩蠲免河南各屬被旱州縣錢糧上諭

乾隆五十年

上諭豫省被旱地方較廣而衛輝各屬情形尤重業經節次加恩現在京畿一帶已渥被甘膏而該省得雨仍未透足二麥無收大田未種民情更形拮据朕心深爲軫念所有開封府屬之祥符蘭陽陳留儀封滎澤彰德府屬之內黃六縣本積歉之區今歲受旱較重其本年應

衛輝府志

卷首

聖製

四四

徵地丁錢糧着卽加恩蠲免十分之五其情形次重之杞縣通許尉氏洧川中牟鄆陵滎陽禹州湯陰安陽十州縣所有本年地丁錢糧着卽加恩蠲免十分之三至緩徵舊欠各州縣內開封府屬之鄭州新鄭汜水密縣河南府屬之新安澠池偃師洛陽鞏縣孟津嵩縣歸德府屬之永城鹿邑虞城柘城夏邑陳州府屬之太康扶溝西華陝州並所屬之靈寶許州並所屬之臨潁襄城郟城長葛又河北懷慶府屬之河內濟源孟縣溫縣彰德府屬之臨漳林縣三十二屬雖受旱稍輕現在青苗不接小民生計亦屬艱難所有歷年緩徵帶徵各項錢糧

欠着加恩祇予蠲免十分之三其與災地毗連之處
寧陵睢州廣陽登封永寧淮寧商水汝州伊陽寶豐州
縣武安涉縣等十四州縣所有麥後應徵舊欠及本年
錢糧俱着加恩緩至秋成後徵收以紓民力該撫其督
率所屬妥協辦理務俾均沾實惠副朕軫念災黎不使
一夫失所至意該部遵諭速行欽此

特恩展賑衛輝各屬上諭 乾隆五十年

上諭豫省被旱地方較廣而衛輝各屬情形尤重業經降
旨節次加恩令該撫竭誠祈禱設法虔求朕屢念民依
無時或釋每日清晨齋心默籲叩邀

衛輝府志

卷首

聖製

四

吳貺溥被甘膏近來京師及直隸各屬俱已大沛甘霖卽山
西山東等省亦得均沾澍澤惟豫省開封等屬雖得雨
數次總未深透而衛輝一帶旱象尤甚望澤更殷朕夙
夜勤求推原其故實不可解豈豫省黎元不無囚久旱
缺雨心懷怨憾以致上干

天和耶孔子言不怨天不尤人但和寒暑雨小民怨咨自古
已然則無識愆戾於呼籲之餘激爲嗟怨亦人情所不
免然該省旱暵倍常卽是

上天垂象示儆朕惟有省愆思咎惕厲憂勤爲民祈請而地
方大小官吏尤當時時刻責夙夜盟心至小民靡庶

蒙亦不可以雨澤愆期稍存怨恨卽或因地方官吏有貪汚不職聽斷不平及於災賑撫卹之事辦理不能妥善以致惠澤不能下逮此則朕之不明用人行政之失小民等寧可歸咎朕躬亦斷不可怨及

蒼昊况當今綱紀整飭吏治肅清亦不至有貪枉殃民之事我君臣以及百姓惟當反躬自責以期潛消災沴感格天恩冀得濃膏遽沛現已降旨於展賑之後再行加賑三個月該處如堪續得雨澤卽可起種大田雜糧轉災爲福設或一二屬未得透雨而附近秋成亦可轉運接濟總之朕愛養黎元如傷在抱斷不使一夫失所爲吾民者

衛輝府志

卷首

聖製

四

惟當安靜守分以受國家惠濟之恩着畢沅將此旨刊刻宣示並明白曉諭務令窮鄉僻壤咸知朕意並將御製分別蠲免河南開封等屬正賦及西安巡撫何裕城奏報得雨詩二章錄寄畢沅閱看將此通諭知之欽此特恩普賑借給籽種上諭 乾隆五十年

上諭豫省衛輝府屬上年被旱災民業經於新正加恩展賑但該處雪澤短少恐春麥未能播種小民生計未免拮据自應再沛渥恩俾資接濟所有衛輝府屬之汲縣輝縣新鄉淇縣獲嘉五縣不拘被災分數着再加恩普賑兩月俟得雨後仍借給籽種以助耕作至衛輝府屬

附近災區之延津清縣滑縣封邱考城並懷慶府屬之武陟修武陽武原武等九處被旱農民着加恩酌借一月口糧每畝並借給籽種銀六分其無地極貧下戶並着賞及一月口糧至各該縣歷年帶徵耗羨等項及本年應徵並歷年緩徵錢糧又民欠未完常平義社等倉谷均着緩至本年秋成後分別徵還以紓民力該撫卽飭屬妥速辦理務俾窮民均沾實惠以副朕軫念災黎有加無已之至意欽此

特恩賞給貧民口糧上諭 乾隆五十一年

上諭豫省開封衛輝等屬頻歲不登上年入春後雨澤愆

衛輝府志 卷首 聖製 三

期麥收失望夏秋雖經得雨田禾究未免歉薄業經節次降旨蠲賑頻施間關口食有資不致復虞失所惟是積歉災區元氣未能驟復今春青黃不接之時農民生計未免尚形拮据着再加恩將被旱較重之汲縣新鄉獲嘉淇縣輝縣等五屬極貧下戶於今春賞給兩月口糧其被旱稍輕之延津封邱考城滑縣滑縣原武陽武武陟修武等九屬極貧下戶賞給一月口糧至秋災較重之歸德府屬永城虞城夏邑柘城四屬無論極次貧民俱着展賑兩個月其秋災稍輕之歸德府屬商邱寧陵鹿邑睢州彰德府屬之內黃陳州府屬之西華太康

沃滿八屬無論極次貧民俱着展賑一個月再開封陳州許州光州等府州屬上年雖勘不成災而秋成止有五成現屬青黃不接如有拮据貧民亦着酌借口糧接濟以待一秋該撫務董飭所屬實力體察奉行俾災氓均沾溥澤以副朕惠愛黎元春祺普錫之至意該部卽遵諭行欽此

特恩緩徵河北三府錢糧上諭 乾隆五十三年

上諭昨因直隸順德廣平大名三府屬近年以來收成歉薄現在又復缺雨業經降旨節年因災緩徵帶徵地丁各項未完銀兩緩至秋成後分年帶徵以紓民力矣第

衛輝府志

卷首

聖製

哭

念該三府屬屢遇偏災現屆開徵之期而澤尚未能霑足麥收難期豐稔雖舊欠業予緩徵而輸納新糧民力仍不無拮据着再加恩將本年應徵地丁錢糧一併緩至秋成後徵收至河南省彰德懷慶衛輝三府屬本年春雨亦未能霑透現雖據畢沅奏河北彰德等三府屬於三月二十八九日又得雨一次內惟懷慶府屬所得雨澤較之衛輝彰德二府屬霑被稍優亦不過二三四寸尚不如京城前月得雨之霑足恐仍不足以資播種所有該三府屬應徵新舊錢糧俱着緩至秋收後分別徵收俾閭閻生計益臻寬裕以副朕軫念民依有加無

已之至意該部即遵諭行欽此

恩緩徵衛輝各屬漕糧上諭 乾隆五十三年

上諭據梁肯堂奏衛輝懷慶二府屬本年雨澤稍愆收成未免歉薄等語豫省本年衛輝懷慶二府地方因雨澤短少收成歉薄現在開徵之期若令新舊錢糧同時並徵民力未免拮据著將衛輝府屬之淇縣滑縣延津滎縣封邱考城六縣並懷慶府屬之原武修武陽武三縣帶徵舊欠漕糧遞展一年所有緩徵舊欠錢糧並民欠倉谷籽種等項均緩至五十四年麥熟後徵收至衛輝府屬之汲縣新鄉輝縣獲嘉四縣著將本年地丁並錢糧帶徵舊欠錢糧倉谷等項均緩至五十四年麥熟後徵收其本年漕糧著自五十四年起分作兩年帶徵其欠漕糧亦著加恩遞展一年徵解以示朕軫恤民艱加無已至意該部即遵諭行欽此

衛輝府志

卷首

聖製

完

聖祖仁皇帝御製詩

賜趙玉和尚

康熙四十一年

秦晉山河巡幸畢同鑿攬轡歷新中忽聞梵語如風
疑是江南話桂叢

皇上御製詩

殷太師墓詩

乾隆十五年

天地之經君臣之義貴戚異姓同歸一致與社稷共運
將焉避孰丁其難孰丁其易嗟哉斯人遭殷之季罔爲
臣僕先王獻自披瀝以陳甘於殞棄五畝佳城一秋甫
墜夫子適周載經柏隧早許三仁詎惟四字

題孔子擊磬處

荷蕢人過識有心旣譏揭淺厲於深知其一未知其二
玉振金聲冠古今

謁衛源祠

駐蹕蘇門下躬瞻清衛源地靈神以妥派遠物蒙恩百
顆珠呈璣一泓月貯痕流淇潤桑土利澤永中原

衛輝府志

卷首

聖製

五

登嘯臺有作

太行秀迤蘇門山宜爲隱者所盤桓我來深秋氣蕭索
曠懷以上千年間辭騎蹠步凌崇巒憑藉猗靡之阜蘭
謾謾天風吹鳳鸞卽遇公和相周旋清激嘯旨我下解
慷慨嘯理我或閑嗣宗猖狂豈能攀詩畱片石飄乎

題安樂窩

前者周程後者朱同歸何礙却殊途深知天地理
不作語言文字需試想安貧樂道趣常依月到風
嘯臺近在烟霄處異世芝蘭結契無

駐蹕百泉作

淇源來游衛水源小加搆築儼林園洛中名勝山川秀
秋杪風光松菊存座俯滄池下鷗侶階含碧蘚育桐孫
讀書近湖周程旨恰喜明憲暖日曛

半頃明湖綠竹圍衛詩風景尙依依大珠小珠玉盤落
習樂仁樂逸與飛竿綫不期魚受釣樊籠獨惜鶴思歸
巡簷更讀前人句却似韓陵可語稀

奇樹歌 有叙

百泉多奇樹然不過曲拳轆轤貌古形詭而未始離
夫木也惟此樹其根盤錯多穴望如淮石亦有石子
礫塊蒼皮間其上則扶疎老幹依然嘉樹深秋葉落

衛輝府志

卷首

聖製

至

不知其名問之云皂莢百泉奇樹無復奇乎此者矣
旣命筆爲傳其神復成是歌題於上而識之

久竹青寧古或聞異哉此樹非木羣木乎石乎難疏分
我忽相逢清衛濱下臨流水上干雲盤根錯節如髮屯
兩株直聳擎輪囷華清一樹其子孫小試成仙左騎軍
興來命筆傳其神

白雲寺五絕六首

入山秋色佳到寺春陽煦俗世圍玉屏莊虎張錦樹
竹徑穿雲出禪房花草菲階前一泓水去作垂虹飛
一庭柏樹青千嶂楓葉紫平原逾月行今朝見山喜

靜室纔十笏好山具四鄰當年誰結夏無着與天親

崑凹藏乳竇竹底盼烟郊斷缺唐碑在猶然稱白茅

是寺

唐時名白茅

明季改今名

少坐清有餘便去興未已迴視失招提鐘聲白雲裏

七賢詠

稽生放達意真豪嗣宗青眼誇神交啟事吏隱何妨濤
沛國豫流形陶陶向秀佐鍛鑪鍾操小阮不愧玉樹曹
阿戎清爽舞濁醪竹林之遊芳躅高延之過激由去朝
五君成詠寓貶褒我過山陽望古造土阜惟見橫岵巖
猶使逸興軒軒飄

衛輝府志

卷首

聖製

聖

加免獲嘉等縣今年秋收稍歉者租詩以示地方吏
我過直隸時蠲租別次第豐收普免三款收更加二前
臨豐樂鎮憑輿覘稔歲是用生歡顏免三均示惠邇日
遵河北觀民每駐轡沙田餘穉苗場圃鮮碩穗問知秋
雨稀穀價因以貴休助有古訓加蠲亦近例亟頒十行
詔更勅一方吏惠民不吝恩施恩善推類

淇縣覽古

河洛省方初秋暝律舒紅橋慶淇水綠洲紀殷墟
短風前柳針長雨後蓬從民每乘騎暫可謝輕車
張省
之民益多於直符蓋以初至也昔多乘車則句
歎不得遂願瞻仰者故每乘時以從民意云
觀光

燕去雁來初閭閻氣象舒古來猶沫土此際已良墟社
祠衛公武村傳君子遵千秋彰輝在何必便迴車用朝歌

望雨詩 乾隆五十年

西安缺雨非滂旱茲報甘霖霽需施

西安於四月中旬連次得雨雖未沾

足尚非滂旱茲據何裕城奏省城於四月二十三日申刻得雨絲密達旦二十四日又得雨數陣共四五寸不等農民乘時耕作甚為踴躍近省之西安鳳翔邠州乾州等屬州縣稟報相同等語麩麥登場堪

接食黍禾播隴正資滋幸因少望即愜望以不相宜反

受宜陝省當二麥登場之際普沾濕澤得以播種秋禾

地不甚相宜祈經調任西安今甫至省得此兩膏應候轉勝在豫望澤是其幸也豫省依然未

衛輝府志

卷首

聖製

三

沾澤畢沅焦急為憐之

以畢沅通達政務豫省屢旱之後且有河工故自西安巡撫與

何裕城相調茲據畢沅奏該省近日得雨總未透是風

數日旱日擊閭閻迫切情形晝夜焦急惟有率屬齋戒

願禱 明神等語愛民之意與朕同而該撫日擊身臨更堪憐憫也分別蠲免河南開封等府州屬正賦及帶徵積欠錢

糧詩以誌事

河南五百里馳郵將謂甘雨被豫州披閱乃獲奏諭旨

弗增慰念仍增愁駢播以月之廿九此霑需彼未蒙麻

舉沅奏摺於四月廿九拜發其日京師大雨而昨為去

未據畢沅奏及是豫省尚未被澤益深繼念衛輝雖蠲賦不無隣郡向隅憂因命方伯查詳悉數

一一陳厥由

前因河南被旱地方較重除衛輝各屬業經節次加恩外其隣近之開封等各府州

雖經得雨仍未透足民情不無拮据降旨馳詢畢沈
其將各屬雨水及麥秋大田情形據實詳悉覆奏遂
分別蠲緩以紓民力十分之三或其五二府正賦免

課收今歲受早較重開封府屬之祥符蘭陽陳留儀封
即降旨加恩十分之五其次重開封府屬之杞縣通許

尉氏洧川中牟鄆陵滎陽禹州彰德府屬之湯陰安陽

十州縣即加恩蠲及餘緩徵之舊欠視災輕重次第酬

免正賦十分之三開封府屬之鄭州新鄭汜水密縣河南府屬之新安瀍

池偃師洛陽華縣孟津嵩縣歸德府屬之永城鹿邑柘

城虞城夏邑陳州府屬之太康扶溝西華陝州并所屬

之靈寶許州并所屬之臨潁襄城郟城長葛又河北懷

慶府屬之河內濟源孟縣溫縣彰德府屬之臨漳林縣

等六府二州所屬三十二州縣雖受早稍輕但現在

黃不接小民生計維艱所有積年緩徵帶徵各項等入

並加恩槩予蠲免十分之三其與災毗連之商邱寧

陵睢州宜陽登封永寧淮寧商水武安涉縣并汝州及

所屬之伊陽寶封郟縣等十四州縣所有麥後應徵舊

衛輝府志 卷首 聖製 蠶

欠及本年錢糧俱着加恩緩至秋成後徵收俾我窮黎

並令該撫率屬妥協辦理俾窮民均沾實惠少蘇息祈優霽被補種秋從來救災無善政盡予心力

勤咨諏 御製祀文廟樂章 乾隆五十二年

大哉孔子先覺先知與天地參萬世之師祥徵麟紱韻

答金絲日月既揭乾坤清夷 迎神昭平
予懷明德玉振金聲生民未有展也大成俎豆千古春
秋上丁清酒既載其香始升 初獻宣平
式禮莫愆升堂再獻響協龔鏞誠孚嶽廟肅肅雍雍
髦斯彥禮陶樂淑相觀而善 亞獻秩平